



Progjet promovût di 'Il Friuli' e 'ARLeF'

## LIS AVENTURIS DI VIGJI E...

### CJÂR DIARI,

vuê o soi tant content par vie che o ai scuvierde une robe gnove di cjase mê. Al jere di tant timp che mi domandavi ce che e faseve Daria devant di chê lastre lungje: mi è capitât dispès di viodile li devant a cambiâsi miârs di vistîts. Vuê, cuant che la mê paroncine e je lade a vore, o ai volût a ogni pat cirî di capî ce che al fos. Su cheste lastre si è presentât, devant di me, un spettacul de nature che mi cjalave cun tante elegance. Al veve doi voglons vert smeraldin che a slusivin tant che dôs perlis;



un cuarp cuvierde di une pelice fofe e grise tant che il fum; su la sô muse doi lavris mi fasevin bocje di ridi.

Ce bieles imagjin!

Po ben, o ai une notizie brute e dôs bielîs. La brute e je che, cuant che o ai fat doi pas a **man drete**, chê imagjin e je sparide. Invezit, la prime notizie bieles e je che o ai scuvierde che chê lastre lungje si clame spielî, e la seconde e je che o jeri jo chê maravee!

Ti saludi,  
il to Vigji




## > Tant par ridi

La mestre e domande a Pierut "Trops voi vino nô?".

Pierut i pense un moment e i rispuint "Cuatri, siore mestre".

"Ma noi", i cride la mestre, "Ce dûstu?".

"Ma sigûr, siore mestre, che a son cuatri: doi jo e doi jê!"



## IL CJANTON DE MUSICHE

### CE MUSIS!

(Peraulis di Daria Miani; musiche di Flaviano Miani)

*Devant dal spielî o ai la scuse di cjalâmi ben la muse. Lâ sù adalt i miei cjavei petenâts a son plui bieci.*

*Pôc plui in jù a son i voi, doi a doi no son bessôi. Ben tal mieç o viôt il nâs, picinin lu lassi in pâs.*

*Rit. Bocje injù o soi avilît, bocje tonde o soi spaurît, voi ingrispâts o soi inrabiât, voi par jù tant disperât!*


Piçule cerce de cjançon "Ce musis!" O podês scoltâle dute te pontade di Maman! di cheste setemane su Telefriuli.

## ZÛCS

### PROVE A DISSEGNÂ TU VIGJI TAL SPIELI CA SOT!

## LU SAVEVISO CHE...?

■ Chest an, la Fiere di Sante Catarine a Udin e tache vinars ai 23 di Novembar. Fin ai 25 di Novembar, in place Zardin Grant a son passe 300 barachins che a proponin prodots tipics, vistîts e dolçs di dute Italie. Sêso mai stâts?



Maman! Une gnove stagjon cun tantis sorpresis! Us din apontament su

telefriuli



Vinars aes 5.45 sot sere

Pagjine curade di Daria Miani e dal Sportel Regjonâl pe Lenghe Furlane de ARLeF

**ARLeF**  
AGENZIE  
REGJONÂL  
PE LENGHE  
FURLANE